


Arubaanse Dans en Ballet School a causa furor na Hulanda



ORANJESTAD(AAN) -- den e edificio di congreso na Recientemente a tuma lugar Den Haag, un show di Aruba pa

e "International Womens Contract of the Hague" cu a hiba e nomber "Aruba Country Morning".

E show aki a worde realisa cu cooperacion di Gobierno di Aruba, KLM, STICUSA, Maduro Reizen y e Kabinet di Ministro Plenipotenciario di Aruba.

Señora Merryweather-Broekman a duna palabra di bon bini y a duna un splicacion di y encuan to Aruba.

Especialmente pa e dia aki, Arubaanse Dans en Ballet school a bay Hulanda.

Nan a duna presentacion di algun bailenan folklorico y na final un imponente show di carnaval.



E trahenan precedente di Aruba a causa un impresion grandi.

Di Aruba tambe tabata tey Cah'i Orgel y Trio Aruba. Tambe Prima bailarina Wilma Kuiperi-Jansen a duna un presentacion.

Cu e presentacion di Arubaanse Dans en Balletschool tabata un exito rotundo, por saca for di e cantidad di felicitacion y oferta pa nan actuacion.

Arubaanse Dans en Balletschool na Hulanda lo duna presentacion na entre otro den e tercer festival mundial na Noord-Brabant, durante un evento ariba e boulevard di Scheveningen y un show en vivo na television Hulandes.

Ariba combinacion di e fotonan por presencia señora Merryweather dunando splicacion di Aruba y e grupo di Arubaanse Dans en Balletschool den actuacion.

Comision di construcciona desaproba brug di Hotel

ORANJESTAD (AAN)-

Siman pasa a tuma lugar un reunion di Comision di Construcccion di Gobierno.

Segun informe cu DIARIO ta dispone di dje, e comision a desapropa e brug cu mester ser construi relaciona cu e proyecto di Coral Reef Hotel.

Tin dos brug den e proyecto, un a worde aproba y e otro cu mester ser coba pa pasa un canal di awa cu ta bay te na e hotel a ser desapropa pa e comision.

Segun e miembronan di comision, kico ta para di e pasada y tambe e waterfront ta keda kibra.

E fuente di DIARIO no kier a bay mucho den detayes, pero un cos el a bisa cu parce cu e construcccion ta sigui normal sin tene cuenta cu e desaprobacion di comision.

